

維民小宗
言立

光緒十六年歲
在庚寅中春脩

572920

2.9. 1939

第拾捌號九十三世渭年收藏

汪氏小宗譜凡例

一徽有宏村舊譜杭有遷杭支譜詳載分明數典者考譜瞭然
茲曰小宗譜蓋仿宋蘇明允氏族譜之法也

一世系自一世 穎川侯至八十一世 汝器公於名下詳載
某第幾子字某配某氏八十二世 文宇公以後名下祇貫
系綫餘詳譜內

一世系標 魯穎川侯者重始祖也標 漢龍驤將軍者重渡
江祖也標 齊軍司馬者重遷新安祖也標 唐越國公者
重崇祀祖也標 宋處士儼先公者重始遷黟北祖也標
宋處士公楫公者重始遷宏村祖也標 元處士佳一公者

重支祖也標 明處士文宇公者重始遷杭祖也

一是譜體例高祖以上世系祇載本支不載本生譜內則詳載本生以附於後示不忘本也

一譜首書曰第幾世某另行書為某第幾子其繼配及側室出者書某氏出次書字號行次爵秩配某氏為某公女繼配亦如之未娶者書聘某氏未娶而故者如其本主迎歸家廟則書元聘某氏再娶書配不書繼後書子幾某某女幾適某公之子某未嫁者書字某其繼配及側室出者亦書某氏出一繼嗣於本生父譜內書曰第幾子嗣某於所後父譜內書曰某第幾子嗣

一祧長房者曰承祧於所生父譜內書承祧某於所後父譜內書某子承祧祧次房者曰兼祧於所生父譜內書兼祧某於所後父譜內書某子兼祧所生之子長為長房之後次為次房之後名下書為某後按禮部則例載獨子兼承兩祧均以大宗為重為大宗子兼祧小宗父母服三年喪為小宗父母服期年喪如以小宗子兼祧小宗以所生為重為所生父母服三年喪為兼祧父母服期年喪

一八十九世 仲連公以上墓圖遵遷杭支譜所繪九十世孔皆公以下繪圖增入後書某某敬繪

一五世則遷今以八十八世 容谷公為小宗之祖若至九十世修譜 容谷公應列前譜而以八十九世 春園公為小宗之祖至九十四世修譜 春園公應列前譜而以九十

世 十村公爲小宗之祖至九十五世則 十村公支下六
房各有高祖應各自爲譜所謂五世之外則易宗也然此係
一時權宜之計尤望我族及後世子孫重建宗祠修輯全譜
以盡敬宗收族之義

一是譜分爲六卷世系第一前譜第二正譜第三記說誌遺訓
錄第四傳略第五墓圖第六每部挨編號數某某收藏字樣
並載分藏子姓譜目於後

一是譜十年一修修刊各費出於振綺祭祀公帳

光緒六年庚辰春三月九十二世曾立謹識

汪氏小宗譜卷一目

世系